

*Onderhawig mshie wordt met 85 stemmen voor  
toe te laten.*

Griffie ER Bonaire	
Ingek.:	NOV 27 2013
Volgnummer:	ER2013-1023
Griffier:	Uitv.:



*Eilandraadverg. d.d. 26.11.13  
Voorzitter, wvd*

*2*

Konseho Insular di entidat públiko di Boneiru, den su reunion plenario di djamars 26 di novèmber 2013;

### **Konsiderando;**

- Ku Bonaire Laboratorium N.V. (Bonlab N.V.) a sali for di 'Anlystisch Diagnostisch Centrum' [ADC] N.V. ;
- Ku ADC N.V. na su turno a sali for di ántes 'Landslaboratorium;
- Ku Bonlab N.V. ta e susesor hurídiko di ADC N.V. ;
- Ku Bonlab N.V. tin 44 aña operashonal riba e isla di Boneiru;
- Ku Bonlab N.V. tin lasonan di koperashon y di trabou ku organisashonnan di laboratorio na Kòrsou, St. Maarten, Aruba, Hulanda i Merka ku pa medio di investigashon diagnóstiko i diverso servisio logístiko/atministrativo, ta sostené diferente proveedor di kuido na bienestar di nan pashèntnan;
- ku Bonlab N.V. ta hasi tur esfuerso pa fortifiká promé liña di kuido i ta traha kosto efektivu;
- Ku KPMG a hasi un sondeo profundo den Bonlab N.V. i ku e rapòrt ta konkluí ku Bonlab N.V. tin ekselente potensial pa futuro;
- Ku e 'kwartiermaker' di VWS unilateralmente a disidí ku Bonlab N.V. mester kai bou di laboratorio di fundashon Mariadal;
- Ku si Bonlab N.V. no bai kai bou di fundashon Mariadal, a menasá ku lo no haña un kontrato di kuido;
- Ku e 'kwartiermaker' no a tene na kuenta ku Bonlab N.V. na e momento ei tabata e laboratorio di mas grandi i ku mas eksperensia hasiendo mas ku 80% di e trabounan di laboratorio pa Boneiru;
- Ku Bonaire Holding Maatschappij N.V. bou di kual Bonlab N.V. ta kai a konsehá gobièrnu di Boneiru pa bai di akuerdo ku e proposishon di e ministerio di VWS sin tene kuenta ku e tareanan i posibilidatnan di Bonlab NV;
- Ku pa medio di un desishon di e ántes gobièrnu sentral di dia 4 di aprel 2008, no 9, Bonlab N.V. a keda indiká komo e órgano ku ta enkargá ku trabounan di laboratorio pa ku salubridat públiko i investigashon riba tereno di hustisia, konforme e ordenansa di salubridat públiko di 1952 (P.B. 1952, no. 157);

- Ku konforme e lei di salubridat públiko di dia 9 di òktober 2008 kolegio ehekutivo mester promové kontinuidat i konsistensha den salubridat públiko i sinkronisashon ku salubridat kurativo i yudansa médiko na momento di desgrasia i kalamidat;
- Ku sin un laboratorio públiko, kolegio ehekutivo difísilmente por ehekutá e aktividatnan manera ariba menshoná;
- Ku na Hulanda e tendensia aktual ta ku hospitalnan ta deshasí di nan mes laboratorio pa efikas di kosto, y ta kumpra servisio di laboratorio ora esaki mester;
- Ku Bonlab N.V. tin su mes edificio i a hasi invershon grandi pa e por tin ekiponan konsiderá komo 'state of the art';

***Ta urgi Kolegio Ehekutivo;***

1. Pa disidi na mantené Bonlab N.V. komo e laboratorio públiko ku e derecho pa hasi tur trabou i investigashon riba tereno di laboratorio na bienestar general di e pueblo Boneriano;
2. Pa instruí Bonaire Holding Maatschappij (BHM) N.V. pa para tur negosashon pa integrashon di Bonlab N.V. den fundashon Mariadal;
3. Pa drenta kombersashon ku tur partnernan den e kadena di Salubridat Públiko ku meta pa hasi lokual ta posibel pa konforme artikulo 68f di e lei di salubridat publiko, Bonlab N.V. keda indiká komo e órgano pa hasi investigashon pa ku salubridat públiko i hustisia pa BES.

**I ta pasa pa òrdu di dia;**

**Sr. R. Santana**  
Lider di frakshon Santana;

**Sr. R.J. Wilsoe**  
Miembro di frakshon UPB

**Srta. N.M. Winklaar**  
miembro di frakshon UPB;

**Sra. M. Silberie**  
miembro di frakshon UPB;



**Sr. J. Levenstone**  
**Lider di frakshon UPB**

**Sr. R. Beukenboom**  
**Lider di frakshon di PDB**

**Sr. R. Oleana**  
**Miembro di frakshon PDB**

**Sr. C. Abraham**  
**Miembro di frakshon di PDB**

**Sr. B. Dirkz**  
**Lider di frakshon di MBL**